

高明縣志卷之八

禮樂志

大禮與天地同節大樂與天地同和禮樂者所以通上下
協幽明典甚鉅也高明雖彈丸邑有尊君親上之義焉有
祭祀燕饗之文焉禮樂可斯須去哉今逢禮明樂備縉紳
士庶肄業及之由是彬彬然得以陶淑其間矣作禮樂志

慶賀

恭遇

萬壽聖節本縣先期一日陳設

御座萬歲牌於亭南向前設香案列儀仗於露臺東西鼓樂前

高明縣志

卷之八

禮樂

導於

祝聖道場各官朝服師生人等文武分東西入依

班次行禮名曰習儀畢即於本縣正廳設蓋幕陳如前香

燭鼓樂達旦各官具朝服引班引入依班次序立贊唱行

三跪九叩禮畢引退撤幕置

牌座龍亭於儀仗庫前三日後三日俱蟒衣坐班

皇太后萬壽聖節

禮同

皇后千秋令節及元旦長至節禮節俱同

先後
與班

開讀

恭遇

欽頒詔書布政司委員資

詔書至本地官員衣朝衣具

龍亭儀仗鼓樂出郭肅迎使者捧

詔書道

龍亭中鼓樂前導使者隨亭後本地官員跪迎道右候過興

至公庭門外使者隨亭入眾官趨入使者奉

詔書陳於案退立案東西向文武官分東西序班北面立樂作

行三跪九叩禮使者捧

詔書授展讀官展讀官跪接詣開讀案前西面宣讀眾官皆跪

宣讀畢復於案眾官復行三跪九叩禮使者以

詔授知縣宣布軍民

高明縣志

卷之八

樂

二

迎春

先立春日設芒神土牛知縣率在城文官朝服迎於東郊

祭芒神案前陳香燭果酒各官行一跪三叩禮興酌酒三

復行三叩禮興迺昇芒神土牛鼓樂迎入縣署儀門外至

日行鞭春禮樂工擊鼓三聲各官執絲杖環鞭土牛者三

迺各退

舊志載祝文云惟神職司春令德應蒼龍生意誕敷品彙萌達某等忝牧是邑具禮迺新戴仰神功

佑我黎庶尙饗 謹案 欽定大清通禮 迎春無讀祝儀節舊志乃有祝文姑附存之

救護日月

遇日月食於縣署行救護禮設香案於露臺布拜位於露

臺上

早晚隨日爲向

各官素服將事至期陰陽生報初虧各官行

三跪九叩禮知縣上香畢擊鼓三聲眾鼓齊鳴眾官更番上香祇跪及報圓鼓聲止各官復行三跪九叩禮畢各退
祀典

社稷壇社右稷左異位同壇每歲春秋仲月上戊日設主於壇硃漆書曰社神稷神神位前各帛一色劍二簋二簠二籩四豆四爵三共羊一豕一尊一祭日主祭官及陪祭官朝服畢集引贊引主祭官詣盥洗所盥洗通贊贊執事者各司其事贊就位引贊引主祭官引班引陪祭官咸就拜位立贊迎神引主祭官升詣香案前跪主祭官三上香興復位行三跪九叩禮贊初獻引主祭官詣

神位前跪奠帛獻爵一叩興詣讀祝位隨眾官皆跪讀祝畢各官行三叩禮亞獻爵奠於左終獻爵奠於右如初獻儀贊賜福胙引主祭官詣香案前跪進福酒主祭官受爵拱舉進豆肉主祭官受豆拱舉贊謝胙主祭官三叩興復位贊送神主祭官暨陪祭官行三跪九叩禮贊徹饌執事者徹饌贊瘞祝帛執事者奉祝次香次帛次饌詣瘞所望瘞禮畢各退

祝文 部頒

維某年月日某官某致祭於

社稷之神曰惟 神奠安九土粒食萬邦分五色以表封圻育

三農而藉稼穡恭承守土肅展明禋時屆仲春敬終祀典
庶卉九松柏翠磐石於無疆翼翼黍苗佐神倉於不匱尙
饗

謹案會典 社稷壇爲大祀

神祇壇每歲春秋仲月致祭安設雲雨風雷之神居中帛
四境內山川之神居左帛二城隍之神居右帛一共白色
帛七爵二十有一餘陳設禮儀與社稷壇同

祝文 部頒

惟 神贊襄天澤福佑蒼黎佐靈化以流形生成永賴乘
氣機而鼓盪溫肅攸宜磅礴高深長保安貞之吉憑依羣

尚明縣志

卷之八

禮樂

四

固實資捍禦之功幸民俗之殷盈仰神明之庇護恭修歲
祀正值良辰敬潔豆籩祇陳牲幣尙 饗

雩祭每歲孟夏諏吉於神祇壇行禮陳設儀節同前

祝文 部頒

某恭膺 詔命撫育羣黎仰體 彤廷保赤之誠勤農勸

稼俯維菑屋資生之本力穡服田令甲爰頒肅舉祈年之
典寅衷將事用申守土之忱黍稷惟馨尙冀明昭之賜予
來牟率育庶俾豐裕於蓋藏尙 饗

謹案會典 神祇壇爲中祀

先農壇每歲仲春亥日或以季春致祭填寫先農神牌於壇紅

地金字祭日各官俱穿朝服一切禮儀陳設供品悉如祭社稷壇之例是日旤土宜備穀種青箱朱鞭耒服耜勦牛及他農器耕器豫陳耕所耆老率農夫披簑戴笠竝於田間祭畢各官易蟒袍詣耜田行耕耜禮知縣右秉耒左執鞭典史執青箱播種耆老一人牽牛農夫二人扶犁農童六人唱歌知縣九推九返畢釋鞭耒與各官序立田首西面北上農夫遂終畝告畢事各官補服望闕行三跪九叩禮與各退耜田廣四畝九分

祝文 部頌

維 神肇興稼穡立我烝民頌思文之德克配彼天念茲高明縣志 禮樂 卷之八 五

育之功陳常時夏茲當東作咸服先疇洪惟

九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沐 神庥庶幾九穗雙歧上

瑞頌書大有尙 饗

耕耜歌 十章

聖朝鉅典念農祥吉亥修儀遍遠方開府奉行王制美共知天子重耕桑

肅肅青壇翠幕張東風萬里布春陽海疆共愜深耕願早進 先農一炷香

悠揚鼓吹出東方父老譁呼擁道旁乍見青旂如

知綠野富倉箱

杏花舊葉漫匆忙海上班春別有方時雨一犁新社後水
棉花赤菜花黃

六合清寧時雨暘華星常正驗農桑碧畦繡甸東郊曉
勸春耕答

九閭

先農壇畔集鸞鳳擇日占風禮數詳北望

天田陳

御耦青旗高拂五雲光

青原小隊肅分行三玉山前草木芳翻起一犁香土軟田

高明縣志

卷之八

禮樂

六

歌傳入水雲鄉

課晴問雨莫嫌忙

舖座方披七月章要使耕夫齊舉趾并教饁婦競提筐

和風甘雨潤炎方紫荔紅蕉六月香瑞穀生成多九穗先
春玉粒貢

神倉

逢年爭祝滿倉箱萬寶成時好築場飽喫田中新熟看天
家擊壤咏陶唐

謹案會典 先農壇爲中祀

城隍神每歲春秋二仲合祭於神祇壇又以神主薦壇之

社歲三祭皆土之水旱祈禱及官上任皆於廟設特祭每
月朔望守土官詣廟行香行二跪六叩禮

上任謁神祝文 舊志

某奉 命來官務專人事主典神祭今者謁 神特與
神誓神率幽明 陽表裏予有政事未備希 神默相使
我政興務舉以安黎庶予倘怠政奸貪陷害僚屬凌虐下
民 神其降殃謹以牲醴致祭

謹案會典 城隍廟為羣祀

禮壇每歲三月寒食節七月望日十月朔日祭無祀鬼神
於壇前期守土官飭所司具香燭公服詣 城隍廟以祭

幽明縣志

卷之八

禮樂

七

厲告上香跪三叩興退至日陳羊三豕三米飯三石香燭
酒紙隨用黎明禮生奉 城隍神牌入壇設於正中設無
祀鬼神牌左右向守土官三上香行一跪三叩禮祭酒三
爵退禮生奉 城隍神牌還廟

告城隍文 部頒

欽奉

皇帝聖旨普天之下率土之上無不有人無不有鬼人鬼之道
幽明雖殊其理則一今國家治民事神已有定例尙念冥
冥之中無祀鬼神昔為生民未知何故而歿其間有遭
刃而橫傷者有死於水火盜賊者有被人強奪妻妾

死者有被人掠取財物而逼死者有誤遭刑罰而屈死者
有天災流行而疫死者有爲猛虎毒蟲所害者有飢寒交
迫而死者有因戰鬪而殞身者有因危急而自縊者有因
牆屋傾頽而壓死者有死後而無子孫者此等鬼神或終
於前代或歿於近世或兵戈擾攘流移於他鄉或人煙斷
絕久缺其祭祀姓名泯沒於一時祀典無聞而不載此等
孤魂死無所依精魂未散結爲陰靈或倚草附木或爲妖
作怪悲號於星月之下呻吟於風雨之中凡遇人間令節
魂杳杳以無歸意懸懸而望祭興言及此憐其慘悽故敕
天下有司依期致祭命本處城隍以主此祭鎮按壇場鑒
察諸神等類其中有爲良善誤遭刑禍死於無辜者神當
達於所司使之還生中國永享太平之福如有素爲兇頑
身逃刑憲雖獲善終亦出僥倖者神當達於所司屏諸四
夷善惡昭報神必無私除欽奉外合就牒移城隍嶽神弔
出獄幽以享祭典久遠遵行

謹案會典厲壇爲羣祀

文廟每歲二八月上了日致祭前期二日至犧牲所省牲
正獻分獻各官致齋二日用白紙糊版墨書祝文送至
文廟神庫黃案上安設行一跪三叩禮退前一日正獻官
具朝服上香監祗宰牲并瘞毛血正祭日陳設祭品

先師位前牛一羊一豕一豮一登一劔二簋二簋二籩十豆十鑪一
鐙二

四配位前各羊一豕一劔二簋二簋二籩八豆八鑪一鐙二
十二哲位前劔一簋一簋一籩四豆四東西各羊一豕一鑪
一鐙二殿中設一案少西北向供祝版其南東設一案西
向陳禮神制帛九色香盤四尊三爵二十有七西設一案
東向陳禮神制帛八色香盤三尊二爵二十有四凡牲陳
於俎凡帛

正位

匹配異篚

高明縣志

卷之八

禮樂

九

十二哲東西共篚凡尊實酒承以舟疏布冪勺具東廡二位
同案每位爵一實酒每案簋一籩一籩四豆四

先賢案前羊二豕二香案一鑪一鐙二

先儒案前羊一豕一香案一鑪一鐙二設案一於南北向陳
禮神制帛二色香盤二尊三虛爵六俎篚冪勺具西廡陳
設同鷄初鳴各官朝服豫集味爽贊引生引正獻官自左
側門入分引兩序兩廡分獻官隨入至階東盥手畢詣拜
位前立陪祀官咸詣拜位序立通贊唱樂舞生登歌執事
者各司其事文舞六佾進贊引生贊就位引正獻官分獻
官就位立通贊唱迎 神唱舉迎 神樂奏昭平之章樂

作贊引生贊就上香位引正獻官升東階入殿左門凡由東
上退由贊詣

聖先師香案前贊跪叩興正獻官行一跪一叩禮興贊上香
司香跪捧香正獻官上炷香三上辦香舉行一跪一叩禮

興不以次詣

復聖顏子位前

宗聖曾子位前

述聖子思子位前

亞聖孟子位前跪上香儀同贊復位引正獻官退降階復位

初迎 神降贊引生分引東西序分獻官各一人升東西

高明縣志

卷之八

禮樂

十

階入殿左右門詣 十二哲位前跪上香退降階復位引

兩廡分獻官東西各二人分詣 先賢 先儒位前跪上

香退復位均如前儀贊引生贊跪叩興正獻官分獻官暨

陪祀官均行三跪九叩禮興樂止通贊唱奠帛爵行初獻

禮唱舉初獻樂奏宣平之章樂作舉節舞羽籥之舞贊引

生引正獻官升階贊詣

先師位前贊跪叩興正獻官行一跪一叩禮興贊奠帛司帛跪

捧篚正獻官受篚拱舉奠於案贊獻爵司爵跪捧爵正獻

官受爵拱舉奠於墊中行一跪一叩禮興贊不以次詣贊引生贊就

讀祝位引正獻官至殿中拜位立司祝至祝案前一跪三

叩興捧祝版立於案左樂暫止贊跪正獻官分獻官暨陪
祀官皆跪贊讀祝司祝跪讀祝畢興捧祝版跪安

先師位前篚內三叩興退樂復作贊叩興正獻官分獻官暨陪
祀官均行三叩禮興贊引生引正獻官以次詣 四配位
前跪奠帛獻爵儀同退降階復位贊引生分引兩序分獻
官升階詣 十二哲位前跪奠帛獻爵興退降階復位均

如儀引兩廡分獻官詣 先賢 先儒位前奠帛獻爵復

位儀同樂止通贊唱行亞獻禮唱舉亞獻樂奏秩平之章

樂作舞同初獻贊引生引正獻官升階贊詣

先師位前暨 四配位前奠爵於左如初獻儀兩序兩廡隨分

高明縣志 卷之八 禮樂

十一

獻畢均復位樂止通贊唱行終獻禮唱舉終獻樂奏敘平

之章樂作舞同亞獻贊引生引正獻官升階奠爵於右如亞獻

儀兩序兩廡隨分獻畢均復位樂止文德之舞退通贊唱

飲福受胙贊引生贊詣受福胙位引正獻官至殿中拜位

立捧福胙二人自東案捧福胙至

先師位前拱舉退立於正獻官之右接福胙二人自西案進立

於左贊引生贊跪正獻官跪贊飲福酒右一人跪遞福酒

正獻官受爵拱舉以授於左接以興次受胙如飲福之儀

贊叩興正獻官三叩興贊復位引正獻官退降階復位次

行謝福胙禮贊跪叩興正獻官分獻官暨陪祀官均行三

跪九叩禮興進贊唱徹饌唱舉徹饌樂奏懿平之章樂作
徹畢樂止通贊唱送 神唱舉送 神樂奏懿平之章樂
作贊引生贊跪叩興正獻官分獻官暨陪祀官均行三跪
九叩禮興樂止通贊唱捧祝帛饌送燎司祝司帛詣
先師位前一跪三叩頭司祝捧祝司帛捧篚與司香跪焚香司
饌跪捧饌不叩興以次由中道出恭送燎所四醜兩序兩
廡香帛饌均送焚燎正獻官避立拜位西旁俟過復位樂
作贊引生引正獻官詣燎所眡燎祝帛焚訖贊禮畢仍引
由左側門出樂止陪祀各官皆退

祝文 部頒

高明縣志

卷之八

禮樂

十三

維某年月日某官某致祭於

至聖先師孔子曰惟

先師德隆千聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香

泮水膠庠益致嚴於籩豆茲當仲春祇率彝章肅展微忱

率將祀典以

復聖顏子

宗聖曾子

述聖子思子

亞聖孟子配尚 饗

樂章

乾隆八年
部頒

迎 神樂奏昭平之章無舞

大哉 孔子先覺先知與天地參萬世之師祥徵麟

韻答金絲日月既揭乾坤清夷

初獻樂奏宣平之章舞羽籥之舞

子懷明德玉振金聲生民未有展也大成俎豆千古春秋

上丁清酒既載其香始升

亞獻樂奏秩平之章舞同初獻

式禮莫愆升堂再獻響協鼗鏞誠孚壘甌肅肅雍雍譽髦

斯彥禮陶樂淑相觀而善

高明縣志

卷之八

禮樂

十三

終獻樂奏敘平之章舞同亞獻

自古在昔先民有作皮弁祭菜於論思樂惟

牖民惟

聖時若彝倫攸敘至今木鐸

徹饌樂奏懿平之章無舞

先師有言祭則受福四海鬻宮壽敢不肅禮成告徹毋疏毋瀆

樂所自生中原有菽

送 神樂奏德平之章無舞

鳧繹峩峩洙泗洋洋景行行止流澤無疆聿昭祀事祀事

孔明化我烝民育我膠庠

謹案祭器樂器樂譜舞譜具載

御製禮記正義禮記圖大清會典通禮諸書舊志所載樂章沿
用舊文樂舞仍用舊譜均與見行會典通禮不符其
紀載樂器並列金鐘玉磬不知此惟太學有之實亦
未加深攷今不敢仍舊志以沿訛亦無事詳書以求
備誠以一切樂器非繪圖不明即欲一一詳書
亦豈能一一摹繪獨慨明邑屢經兵燹宮縣殘闕禮
器無存近年布政使王之春於廣東藩署重刊直省
禮奠禮樂記紀載詳備亟為購置一部藏之尊經閣
以俟後之修廢舉墜者按圖考籍俾復舊觀故一切
器數樂舞志中不復詳載惟現存祭器則具列於左

光緒十四年知縣鄒兆麟籌款置復各器

錫登一個

錫尊一個

錫爵杯三十隻

錫劍二十九件

錫簋十件

錫簋十件

朱木豆拾個

朱竹籩十六個

漆木俎八件

通共器九十五件

另貯器大木櫃一個鐵鎖一把由兩學經管

崇聖祠

秋仲月上丁日致祭正祭日陳設祭品

正位前各羊一豕一銅二簋簋各二籩豆各八鑪一鐙二

配位前簋一籩一籩豆各四東西各羊一豕一鑪一鐙二殿

中設一案少西供祝版東設一案陳禮神制帛五色香盤

五尊四爵十有五西設一案陳禮神制帛四色香盤四

三爵十有二謹案同治二年欽頒文廟祀位圖載先賢孔氏孟皮咸豐七年配饗東序不陳設

增用禮神制帛一香盤一爵三兩廡東二案西一案每位爵一實酒每案

簋一簋一邊豆各四東西各羊一豕一鑪一鐙二名南設

一案陳禮神制帛一色香盤一尊一虛爵三俎籩

具行禮儀節同正殿惟不用樂及無飲福受胙一節

祝文 部頒

維某年某月日某官某致祭於

肇聖王

裕聖王

高明縣志

卷之八

樂

十五

詒聖王

昌聖王

啟聖王曰惟

王奕葉鍾祥光開聖緒盛德之後積久彌昌凡聖教所覃敷

循源而溯本宜肅明禮之典用申守土之忱茲屆仲春秋

修祀事配以

先賢孔氏

先賢顏氏

先賢曾氏

先賢孔氏

先賢孟孫氏尙 饗

謹案會典 文廟為中祀

關帝廟每歲春秋仲月及五月十三日致祭春秋祭祭品
神位前牛一羊一豕一豉一劔二簋簋各二邊豆各十鑪一鐙
二殿中設一案少西北向供祝版東設一案陳禮神制帛
一色香盤一尊一爵三牲陳於俎帛實於篚尊實酒罍勺
具祭日質明主祭官朝服詣廟贊引引主祭官出廟左門
入至東階上盥手畢引詣拜位前立拜位在殿正中通
贊唱執事者各司其事贊引贊就位引主祭官就位立通
贊唱迎

高明縣志

卷之八

禮樂

六

神贊引贊詣上香位引主祭官就香案前立贊上香司香跪添
香主祭官上炷香三上辦香畢贊復位引主祭官復位立
贊跪叩興主祭官行三跪九叩禮興通贊唱奠帛爵行叩
獻禮樂作部頒樂章不具錄司帛捧篚司爵捧爵各進至

神位前司帛跪奠篚於案三叩興司爵立獻爵於案正中各跪
司祝詣祝案前跪三叩興捧祝版跪案左樂暫止贊引贊
跪主祭官跪通贊唱讀祝司祝讀祝畢興以祝版跪於案
贊叩如初興退贊引贊叩興主祭官行三叩禮興贊行
行亞獻禮樂作司爵獻爵於左唱行終獻禮樂作司爵獻
爵於右均如初獻儀唱徹饌樂作徹畢唱送

神贊引贊跪叩與主祭官行三跪九叩禮與通贊唱捧祝帛
送燎各捧祝帛香饌以次送燎主祭官避立拜位之西俟
過復位立贊望燎贊引引主祭官詣燎位祇燎禮畢樂作
皆退

祝文 部類

維某年月日某官某致祭於

忠義神武靈佑仁勇威顯關聖大帝之神曰惟

帝浩氣凌霄丹心貫日扶正統而彰信義威震九州完大節以
篤忠貞名高三國

神明如在徧祠宇於寰區靈應丕昭薦馨香於歷代屢徵異蹟

高明縣志

卷之八

禮樂

七

顯佑羣生恭值仲春嘉辰遵行祀典筵陳遵豆几奠牲醪

尚饗

同日祭後殿

光照公位居中

裕昌公左

成忠公右均南向位各異案每案羊一豕一釧二簋簋各二遵
豆各八鑪一鐙二殿中設案少西北向供祝版東西各設
一案分陳禮神制帛三色香盤三爵九尊三俎篚罍勺具
主祭官行二跪六叩禮餘儀節均與前殿同惟無樂

祝文 部類

惟 公世澤貽麻靈源積慶德能昌後篤生神武之英
則歸親宜享尊崇之報列上公之封爵

錫命優隆合三世之肇禋典章明備恭逢仲春諏吉秋祲吉春

尚饗

五月十三日祭前殿陳牛一羊一豕一果實五盤

紅棗 鑪鑪具陳設及行禮儀節與春秋祭同後殿每歲

一豕一果實五盤不贊徹饌餘與春秋祭同

謹案會典 關帝廟為羣祀咸豐三年

文昌廟每歲二月初三日及秋仲月諏吉致祭

文昌帝君神位後殿奉

高明縣志

卷之八

禮樂

六

文昌帝君前代神位南嚮與前殿同日致祭陳設器數

節悉與祭 關帝廟前後殿同部頒樂章不具錄

祝文部頒

惟 神蹟著西潼樞環北極六匡麗曜協昌

代垂靈為人文之主宰扶正久彰夫感應

崇茲屆仲 用昭時祀尚其歆格鑒此精

後殿祝文部頒

祭引先河之義禮崇反本之恩矧夫世德

祥鍾累代炯列宿之精靈化被千秋為人文

後殿用答前麻茲值仲

歆尚饗

二月初三日告祭祝文

咸豐七年 部頒

惟神功參稟篤撰合乾坤溯誕降之靈辰三台紀瑞屆中和之令節九宇承暉若日月之有光明闡大文於孝友如天地無不覆載感至治於馨香爰舉上儀敬陳芳薦精禋罔斃 神鑒式臨尚饗

二月初三日後殿祝文

咸豐七年 部頒

惟文昌帝君道備中和神超亭毒稟詒謀而允紹欽餽聖之有基雲漢昭回際款降崧生之會馨香感格興水源木本之思式肇明禋用光彝典尚祈 神鑒享此清芬

高明縣志

卷之八

禮樂

九

謹案會典 文昌廟為羣祀咸豐七年升中祀

文廟左右附建

忠義孝弟祠

節孝祠

名宦祠

鄉賢祠每歲春秋上丁釋奠禮畢教職一人公服詣祠致祭每祠陳羊一豕一遵四豆四簋一盞二帛一香盤一爵三三上香訖行一跪三叩禮興獻帛獻爵讀祝三獻畢復行一跪三叩禮興送燎乃退四祠致祭儀同

忠義孝弟祠祝文

部頒

惟 靈稟賦貞純躬行篤實忠誠奮發貫金石而不渝義
問宣昭表鄉閭而共式祇事懋彝倫之大性攀我蒿克恭
念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几筵尙

饗

節孝祠祝文

部頒

惟 靈純心皎潔令德柔嘉矢志完貞全閨中之亮節竭
誠致敬彰壺內之芳型茹冰檠而彌堅清操自勵奉盤匱
而匪懈篤孝傳微

絲綸特沛乎殊恩祠宇昭垂於令典祇循歲祀式薦尊醪尙饗

高明縣志

卷之八

禮樂

十

名宦祠祝文

舊志

士苟存心於物一命亦足濟人學果隨地見功百里甯云
短馭維諸君子與養立教當年之撫字誠勞維此邑人崇
德報功奕世之謳歌不輟 也職膺守士志恪薦馨伏願
來格來嘗俾遂青雲之附以引以翼毋貽美錦之羞尙

饗

鄉賢祠祝文

舊志

沒而可祭於社古著其文行而足式於邦今崇其祀維茲
先哲功隆德茂炳史冊而常新懦立頑廉仰風流其未遠
允矣宮牆俎豆洵哉鄉邑楷模茲當丁祭之期用展恭誠

之志伏願文風丕振翰苑先後同彰士習皆醞學政芳華
遠播尚饗

魁星文昌每歲春秋上丁日祭謹案魁星文昌供奉於尊經閣

魁星祝文舊志

維 神星麗乎北位依於垣偕雲漢以昭回光長萬丈以
奎璧之圖籍化洽三千誠後學之津梁實斯民之宗主
當丁祭爰肅明禋伏願彩筆生花髦士奮圖南之翅
額青衿空冀北之羣尚饗

文昌祝文舊志

維 神文章司命人物權衡洒雨露於九天咸資沾
禮樂
明縣志 卷之八 三

風雲於萬里共慶飛騰茲當丁祭之期既明禋於
爰乘祀事之典用恪薦於 帝宮伏願飲之食之鑿
於一日輔之翼之作士氣於千秋尚饗

文廟土地祝文舊志

惟 神聖道干城宮牆鎖鑰擅達尊之望髦士仰厥
體坤德之貞槐市安如磐石際茲駿奔在廟之日爰肅
事孔明之忱伏願咸亨有象桃李彌芳厚載無疆藻芹長

茂尚饗

軍牙旗燹神每歲霜降日武官列旗燹於較場致祭
羊一豕一

義士祠祀楊楚楚原祀府鄉賢明嘉靖二年其曾孫生員
秩具呈郡守曾直學道魏校奏允遷主回縣立祠春秋丁
祭後一日地方官致祭儀同鄉賢

祝文 舊志

國有綱常士有義節仗義死節綱常弗易昔激師難冒鋒
赴敵義胆忠肝剪除悖逆千古英風垂世廟食茲當仲秋
謹以牲醴庶品用申常祭尙 饗

鄉飲酒禮

每歲正月十五十月初一日縣官於儒學行禮前一日執
事者於儒學之講堂陳設坐次司正率執事者習儀至日

黎明執事者宰牲具饌主席及僚屬司正先詣學遣人速
賓僕以下比至執事者先報曰賓至主席者率僚屬出迎
於庠門之外揖入主居東賓居西三揖三讓而後升堂東
西相向立贊兩拜賓坐執事又報曰僕至主席又率僚屬
出迎揖讓升堂拜坐如前儀賓介俱至既就位執事者唱
司正揚觶執事者引司正由西階至堂中北向立執事者
唱賓僕以下皆立唱揖司正賓僕以下皆揖執事者以觶
酌酒授司正司正舉酒曰恭維

朝廷率由舊章敦崇禮教舉行鄉飲非爲飲食凡我長幼各
相勸勉爲言忠爲子盡孝長幼有序兄弟恭內睦宗

族外和鄉里無或廢墜以忝所生語畢執事者唱司正飲酒飲畢以觶授執事執事者唱揖司正揖賓僕以下皆揖司正復位賓僕以下皆坐唱讀律令執事者舉律令案於堂之中引讀律令者詣案前北向立唱賓僕以下皆立行揖禮如前讀畢復位執事者唱供饌案執事舉饌案至賓前次僕次介次主三賓以下各以次舉訖執事者唱獻賓主起席北回立執事者斟酒以授主主受爵詣賓

尚

卷之八

禮樂

三

兩拜賓僕主交拜訖各就位坐執事者分左右立介三賓眾賓以下以次斟酒於席訖執事者唱飲酒或三或五行供羹又唱斟酒飲酒供饌三品畢執事者唱徹饌案訖唱賓僕以下皆行禮僕主僚屬居東賓三賓眾賓居西贊兩拜訖唱送賓以次下堂分東西行以出庠門而退

凡鄉飲酒禮序長幼崇賢良別奸頑其坐席間
凡居上高年淳篤者並之以次序齒而列其有
犯法者不許干於良善之席違者罪以違制敢有
失禮者揚觶者以禮責之 主知縣席於東南西大

賓以致仕官爲之席於西北南 僎擇於里年高有德

之人謹案通禮在縣舉行鄉飲酒禮僎三品 於東北以上南向四五品西向無則闕之故會

典不列 介席於西南東 眾賓之長三人席於賓西

於圖 南東上皆專席不屬 眾賓序齒席於西序東

序皆席於東序西 皆北上 司正以教職爲之

人之東北 贊禮執事以學弟子員習禮者爲

令案於主介間正中東西肆設尊案於東序端

讀法

縣境內及各大鄉村各立講約之所設約正一人於舉

士員內揀選老成有學行者爲之值月三四人

禮樂

一語

守者爲之置二籍德善可勸者爲一籍過失可規者戶一

籍值月掌之月終則告於約正而授於其次每月朔日

月預約同鄉之人夙興集於講約之所俟約正及耆老

長皆至相對三揖眾以齒分左右立設案於庭中值月

案北向立抗聲宣讀

論廣訓各人肅聽約正復推說其義必剴切叮嚀務使警

通曉未達者仍許其質問講畢於此鄉內有善者眾推之

有過者值月糾之約正詢其實狀眾無異詞乃命值月分

別書之值月遂讀記善籍一遍其記過籍呈約正及耆老

里長默視一遍皆付值月收之事畢眾揖而退歲終則若

校其善過彙冊報於縣官設勸懲之法有能改過者一體獎之使之鼓舞不倦

舊志曰自古帝王治國莫不以典禮為重事人先於慶與事神先於祀典人道神道理無二致廟中者境內之象也主壘抱蜀不言而質諸幽者通諸顯治之之易如示諸掌斯所以萃人心之渙膺純嘏之錫有由然也明邑雖小儀章具備無容缺也自漢高以太牢祀孔聖邊豆大房萬舞洋洋綦盛矣至於能興雲雨以物能履豐年以阜民壇壝是承焉若夫正氣之彰瘴伏魔之赫濯孝友之昭昭乎居歆

哉自此而外記言之矣法施於民則祀以死勤事則祀以勞定國則祀能禦大菑捍大患則祀皆其有勳庸於邑而矢報勿諉者為主宰典神祭率由常典惟敬惟勤明德以薦馨香神其弗吐降福無疆謂瀆之謂庶幾焉即祠在各都士民祀之亦祈各矢誠敬毋戲毋慢久而勿衰是匪僅嚴祀典也民德之厚不於斯驗哉